

HALLO HOOGLAND

26 Mei 2024

041 367 1485 | info@pehoogland.co.za | www.pehoogland.co.za | 079 815 9325

Baie Welkom by vanoggend se Erediens!



Johannes 14: 8 - 17
26 Mei 2024, 09:00 @ Hoogland

Hoogland Geloof deur liefde tot dade

Die daaglikse nood vir iets te ete bly groot. Die noodspens benodig DRINGEND die volgende om in die onmiddellike, daaglikse nood te voorsien asseblief:

- **Blikkies "baked beans" of vis**
(verkieslik die self oopmaak tipe blikkie)
- **Pakkies toebroodjies**
(4 snye per pakkie met ten minste botter op, toegedraai in plastiek/plastieksakkie. Daar kan bv. polonie, marmite, konfyt, ens opgesit word verkieslik nie tamatie nie, omdat dit die brood sag maak)
- **Warm, voedsame sop**
(hier is houters by die kerk vir diegene wat wil help sop kook)

Program van die dag:

09:00 Oggenddiens: Ds Sunell Ribbens

10:00 GVG in hulle onderskeie lokale

Deurkollekte: PE Noord Gemeente

Algemeen

Program vir die week:

Maandag: 27 Mei

10:00 Gebedsaksie in die
Gebedskapel

Dinsdag: 28 Mei

14:00 Vroue Bybelstudie
18:00 Doopkursus

Woensdag: 29 Mei: Verkiesingsdag

GEEN B'fontein Bybelstudie
GEEN Gemeente Bybelstudie
18:30 Wyn-op-Woensdae (WOW)

Vrydag: 31 Mei

05:15 Mannebediening

Hoogland Gebedsaksie:

Gebedsversoeke kan vertroulik per
WhatsApp gestuur word na
079 815 9325.

Onthou: Hoogland se Gebedskapel is
24 uur beskikbaar vir enige Hoog-
lander wat hier wil kom stil word en
bid. Kontak gerus die kerkkantoor vir
die toegangskode of stuur 'n
WhatsApp na 079 815 9325 daarvoor
of vra Sondae by Gemeentedienste.

Dankoffers



Snap here to pay



Bankbesonderhede

NG Kerk PE Hoogland
ABSA

Rek - 1400 149 980
Takkode - 632005



Zapper



WINTER
HOPE • HOOP

Winterhoop 2024

Hoogland is geïdentifiseer
as afsetpunt vir Winterhoop.

1 - 30 Junie 2024

Wat is Winterhoop?

Winterhoop is 'n landswye kollektiewe
inisiatief wat daarop gemik is om ge-
durende die koue wintermaande hulp
te verleen aan die mees kwesbare per-
sone en gemeenskappe.

Die insamel van bruikbare warm klere,
komberse en nie-bederfbare voedsel-
produkte bly altyd die fokus en so
poog ons om hoop te bring aan die-
gene wat sukkel om vir hulself en hul
gesinne te sorg.

Gaan loer gerus by
<https://winterhoop.org>



Wyn op Woensdae

sáám op soek na geleefde wysheid... **TRAUMA**

AANBIEDER:

Hanna Kotze (Kliniese Maatskaplike werker)

Bespreek @ 079 815 9325:

WhatsApp jou Naam & Van EN hoeveel persone.

(Koste: R50 pp/geleentheid - Wyn & vingerete ingesluit)



22 Mei

Neurologie:
Individuele
Trauma

29 Mei

Trans-
generasionele
Trauma

5 Junie

Kollektiewe
Trauma

12 Junie

Die heling
van Trauma

18:30 - 20:00 @ Jeuglokaal, Hoogland

Na 'n briljante eerste sessie oor "Wat ervaar jy tydens Trauma" het Hanna haar kennis en geleefde wysheid met almal daar gedeel oor "Hoe voel jy Trauma aan jou lyf".

Enige een is steeds baie welkom om te kom aansluit, al het jy die eerste sessie misgeloop.

Daar is wel **BEPERKTE** plek beskikbaar - so bespreek dadelik.

Stuur 'n WhatsApp met jou naam & van EN hoeveel mense na 079 815 9325.

HOOGLAND BID VIR 29 MEI

- **Vir die huidige Nasionale Regering:** Goeie leierskap en 'n verantwoordelikheid om alle grondwetlike voorregte en vryhede te beskerm, in die laaste maand vóór 29 Mei.
- **Vir die Beskermingsdienste:** Pligsgetroetheid, moed en integriteit in die SAPD en SA Verdedigingsmagte se handhawing van wet en orde, vóór, tydens en ná 29 Mei.
- **Vir die Onafhanklike Verkiesingskommissie:** Goeie beplanning en bekwame uitvoering, logistieke vermoëns, neutraliteit en regverdigheid in hul begeleiding van die Algemene Verkiesing 2024.
- **Vir alle Politieke Leiers:** Die stel van 'n voorbeeld wat spreek van wysheid, integriteit, eerlikheid, versoening en verantwoordelikheid.
- **Vir die Media:** Beriggewing wat spreek van ewewig, vryheid en 'n soeke na waarheid oor ons land, alle leiers en ons as burgers.
- **Vir alle Kiesers:** Wysheid om te onderskei waarop dit regtig neerkom in die wil van God vir ons land, en om te onderskei wie die leiers is wat ons almal daarin sal kan lei, en 'n strewe na vrede – vóór, tydens en ná die verkiesing.
- **Vir die nuwe regering op nasionale & provinsiale vlak, vir die volgende jare ná 29 Mei:** Om ons land te lei in 'n nuwe bedeling waarin daar geregtigheid, vrede, veiligheid en 'n lewe vir almal sal kan wees – soos wat Gód dit wil.

Sien asseblief volledige gebedsriglyne van Hoogland Gebedsaksie in die Gebedskapel.

Uit die hart ...

Dié Sondag na Pinksterfees, waar ons die uitstorting van die Heilige Gees gevier het, staan ons vir 'n oomblik stil by die Drie-eenheid. Vanoggend is Drie-eenheidsondag. Met Drie-eenheidsondag dink ons met verwondering en aanbidding na hoe God Homself, in die geboorte, lyding, sterwe en opstanding van Jesus, aan ons bekend gestel het. Dit is ons as gelowiges se belydenis dat God persoonlik as Vader, Seun en Heilige Gees bemoeienis met ons lewens maak. Wat 'n voorreg en 'n troos.

Maar in dieselfde asem, moet ons ook sê dat ons verstaan nie die Drie-Eenheid van God nie.

Augustinus vertel dit baie duidelik met 'n storie. Hy sê dat hy eendag langs die see gestap het, toe hy afkom op 'n seuntjie wat water uit die see skep en in 'n gat gooi. "Wat maak jy?" wou hy by die seuntjie weet. "Ek gaan die see in hierdie gat gooi" het die knapie glo geantwoord. Augustinus het sy gang gegaan maar later teenoor sy vriende erken dat hy heel-dag met 'n vraag geworstel het: "Doen jy nie maar dieselfde as daardie seuntjie nie, Augustinus? Probeer jy werklik met jou beperkte, nietige verstandjie die diepte, die omvang, die oneindigheid van God se wese omvat?"

Ons moet erken: Net so min soos wat jy die see in 'n gat kan gooi, so min sal ons ooit God kan verstaan of verklaar. Hy is doodeenvoudig te groot en onverstaanbaar vir ons. Daarom kan ons juis op hierdie Drie-Eenheidsondag buig voor Sy grootheid.

William Temple sê om te buig voor God se grootheid, is om die gewete aan te wakker deur die heiligheid van God, om die verbeelding deur die skoonheid van God te suiwer, om die hart oop te maak vir die liefde van God, en om die wil toe te wy aan die doel van God.

Mag ons in hierdié verkiesingsweek, biddend tot ons God nader en buig voor God se grootheid. Mag Hy ons help om Sy Stem te hoor en die ge-raas van die wêreld om ons stil te maak.